

## 三觀（續）

### 若論別教三觀

從假入空，名二諦觀。

從空入假，名平等觀。

二觀為方便道，得入中道，雙照二諦，心心寂滅，自然流入薩婆若海，名中道第一義諦觀。此三觀名出《瓔珞經》<sup>1</sup>。

中道第一義觀者：

前觀假空，是空生死。

後觀空，空是空涅槃。

雙遮（空）二邊，是名二空觀，為方便道，得會中道，故言心心寂滅，流入薩婆若海。

又初觀用空，後觀用假，是為雙存方便，入中道時，能雙照（用）二諦。故《經》言：「心若在定，能知世間生滅法相。」前之兩觀，為二種方便，意在此也<sup>2</sup>。

此別教中道第一義諦觀，有二義：

一需方便方得入真實。

二前二觀多是在明觀破，中道觀在明用。前雙破今雙用，各偏一邊。

### 若論圓教圓融觀一亦稱圓頓觀<sup>3</sup>

---

<sup>1</sup> 《摩訶止觀》 p24b

<sup>2</sup> 《摩訶止觀》 p24c

<sup>3</sup> 圓頓者：初緣實相造境即中，無不真實。繫緣法界，一念法界，一色一香無非中道。已界及眾

以別教三止觀融為一止觀。《摩訶止觀》明圓頓止觀相者：

以止緣於諦，則一諦而三諦。

以諦繫於止，則一止而三止。

譬如三相在一念心，雖一念心，而有三相，止諦亦如是。所止之法，雖一而三。能止之心，雖三而一也。

以觀觀於境，則一境而三境。以境發於觀，一觀而三觀。如摩醯首羅面上三目，雖是三目，而是一面。觀境亦如是，觀三即一，發一即三，不可思議不權不實，不優不劣，不前不後，不並不別，不大不小。故《中論》云：「因緣所生法，即空即假即中」。又如《金剛般若》云：「如人有目，日光明照，見種種色。」

若眼獨見，不應須日。

若無色者，雖有日眼，亦無所見。

如是三法，不異時，不相離。

眼：喻於止。

日：喻於觀。

色：喻於境。

如是三法，不前不後，一時論三，三中論一，亦復如是。若見此意，即解圓頓教止觀相也。

何但三一一三，總前諸義，皆在一心，其相云何？

體無明顛倒，即是實相之真，名體真止。

---

生界亦然。陰入皆如，無苦可捨。無相塵勞即是菩提，無集可斷。邊邪皆中正，無道可修。生死即涅槃，無滅可証。無苦無集故無世間，無道無滅故無出世間。純一實相，實相外更無別法。法性寂然名止，寂而常照名觀。雖言初後無二無別名圓頓止觀。

如此實相，遍一切處，隨緣歷境，安心不動，名隨緣方便止。

生死涅槃，靜散休息，名息二邊止。

體一切諸假，悉皆是空，空即實相，名入空觀。

達此空時，觀冥中道，能知世間生滅法相，如實而見，名入假觀。

如此空慧，即是中道，無二無別，名中道觀。

體真之時，五住磐石砂礫，一念休息，名止息義。

心緣中道，入實相慧，名停止義。

實相性，即非止非不止義。

又此一念能穿五住，達於實相，實相非觀亦非不觀，如此等義，但在一念心中，不動真際，而有種種差別。

《經》言：「善能分別諸法相，於第一義而不動，雖多名字，蓋乃般若之一法。」佛說種種名，眾名皆圓，諸義亦圓，相待絕待，對體不可思議。不可思議故，無有障礙，無有障礙故，具足無減，是圓頓教相顯止觀體也<sup>4</sup>。

如是圓教教理，顯現在「緣起實相論」，此實相論，又稱不思議。不思議的表現，顯現在諸法的互融、互攝、無礙性中，一時顯現，如芥子納須彌。

---

<sup>4</sup> 《摩訶止觀》 p25bc